

**BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO KULTURE I SPORTA**

**IZVJEŠTAJ O PROVOĐENJU PLANA INTEGRITETA U FEDERALNOM
MINISTARSTVU KULTURE I SPORTA U 2025. GODINI**

Sarajevo, januar 2026. godine

SADRŽAJ

I Uvod.....	1-3
II Aktivnosti Federalnog ministarstva kulture i sporta.....	3-10
II-A Tehnička zaštita objekta.....	10-12
III Pregled internih pravnih propisa.....	12-13
IV Financijsko upravljanje i kontrola (FUK).....	14-16
V Javni pozivi Federalnog ministarstva kulture i sporta u 2025. godini.....	16-28
VI Javne nabavke Federalnog ministarstva kulture i sporta u 2025. godini.....	28-30
VII Preporuke.....	30-31

I Uvod

Agencija za prevenciju korupcije i koordinaciju borbe protiv korupcije Bosne i Hercegovine (APIK) je izradila Pravila za izradu i provođenje plana integriteta u institucijama u Bosni i Hercegovini, čime je, uz ostalu odgovarajuću legislativu, stvorena obaveza javnih institucija na svim nivoima vlasti u Bosni i Hercegovini da izrade i usvoje vlastiti Plan integriteta.

Također, Vijeće ministara Bosne i Hercegovine je usvojilo Strategiju za borbu protiv korupcije 2024. – 2028. uz Akcioni plan za provođenje Strategije.

S ciljem unapređenja cjelokupnog integriteta u sistemu javnog sektora u Federaciji Bosne i Hercegovine, Vlada Federacije Bosne i Hercegovine je uspostavila Antikorupcioni tim Vlade Federacije Bosne i Hercegovine i donijela Akcioni plan Federaciji Bosne i Hercegovine za borbu protiv korupcije za period od 2021. godine do donošenja nove Strategije za borbu protiv korupcije u Federaciji Bosne i Hercegovine.

Prethodni Akcioni plan za provedbu strategije za borbu protiv korupcije 2016. – 2019. Federacije Bosne i Hercegovine propisuje obavezu donošenja Planova integriteta u svim javnim institucijama u Federaciji Bosne i Hercegovine.

Radna skupina za pripremu Prijedloga strategije za borbu protiv korupcije 2024. - 2028. i Akcijskog plana za provođenje Strategije za borbu protiv korupcije 2024. - 2028. imenovana je Rješenjem Vlade Federacije BiH, V. broj 737/2025 od 13.03.2025. godine. U Radnu skupinu su imenovani predstavnici svih federalnih ministarstava, kao i Federalnog ministarstva kulture i sporta.

Vlada Federacije Bosne i Hercegovine je 17.11.2025. godine usvojila Rješenje o izmjeni i dopuni Rješenja o formiranju Radne skupine za pripremu Prijedloga strategije za borbu protiv korupcije 2024. - 2028. i Akcijskog plana za provođenje Strategije za borbu protiv korupcije 2024. - 2028., kojim su u Radnu skupinu, pored 16 članova kao predstavnika federalnih ministarstava, imenovani i predstavnici Odsjeka za borbu protiv organiziranog kriminala Federalne uprave policije, Posebnog Odjela za suzbijanje korupcije, organiziranog i međukantonalnog kriminala Federalnog tužiteljstva, Federalnog zavoda za programiranje razvoja te osoba za obavljanje stručnih i administrativno-tehničkih poslova iz Generalnog sekretarijata Vlade Federacije Bosne i Hercegovine. S ovim imenovanjima Radna skupina ima ukupno dvadeset članova.

Zadatak Radne skupine je pripremiti Prijedlog strategije i Akcijskog plana za njeno provođenje u suradnji s Koordinacijskim timom za koordinacijske aktivnosti u vezi s pripremom Strategije za borbu protiv korupcije 2024. - 2028. i Akcijskog plana za njeno provođenje. Rok za izradu ovih dokumenata je četiri mjeseca.

U toku 2025. godine Radna skupina je održala dva sastanka (23.07. i 16.12.2025. godine) na kojima je predstavljen proces izrade Strategije te dogovoreni naredni koraci u okviru procesa.

Plan integriteta predstavlja dokument koji čini skup mjera pravne i praktične prirode, a koji ima za cilj da smanji mogućnost nastanka korupcije i različitih oblika koruptivnog ponašanja u javnim institucijama.

Iako obuhvata sve poslovne procese u jednoj organizaciji ili instituciji, Plan integriteta je primarno fokusiran na sporne aktivnosti, odnosno aktivnosti koje su po svojoj prirodi ili praksi u jednoj instituciji/organizaciji podložne raznim nepravilnostima, korupciji ili kriminalu. Plan integriteta treba da rezultira identifikovanjem slabih segmenata u radu institucije te kreiranjem metoda za njihovo predviđanje i prevazilaženje.

U skladu s tim, Plan integriteta predstavlja sredstvo za unapređenje rada javne institucije.

Ovaj izvještaj obuhvata Plan integriteta Federalnog ministarstva kulture i sporta koji sadrži 34 utvrđene preporuke u 6 oblasti, kao i pregled stanja koji se odnosi na sistem finansijskog upravljanja i kontrole, tehničke zaštite objekta Ministarstva, javne pozive realizirane u 2025. godini i javne nabavke izvršene u 2025. godini, kao ključne tačke u radu Federalnog ministarstva kulture i sporta. Izvještaj sadrži i pregled internih pravnih propisa u Ministarstvu, te preporuke za unapređenje stanja integriteta.

Najveći izazov u procesu nadzora nad provođenjem Plana integriteta i sačinjavanju ovoga izvještaja jeste neažurnost pojedinih djelatnika prilikom dostavljanja traženih podataka osobi zaduženoj za nadzor i izradu odgovarajućih dokumenata. Pored toga, neophodna je bolja koordinacija između zaposlenika u cilju izvršavanja radnih zadataka s ciljem doprinosa ostvarivanju dugoročnih ciljeva Ministarstva i njenih sastavnih dijelova.

Ipak, najveću prednost Federalnog ministarstva kulture i sporta vidim u spremnosti njenog aktualnog rukovodstva, kao i većine zaposlenika, da rade u pravcu unapređenja sveukupnog integriteta u instituciji.

U vezi sa prethodnim, neophodno je više edukacije, posebno iz oblasti unapređenja integriteta, za sve zaposlenike Federalnog ministarstva kulture i sporta koji predstavljaju i državne službenike Bosne i Hercegovine.

Izvještaj o provođenju Plana integriteta Federalnog ministarstva kulture i sporta u 2024. godini je objavljen na web-stranici Ministarstva. Također, Izvještaj je dostavljen Agenciji za prevenciju korupcije i koordinaciju borbe protiv korupcije Bosne i Hercegovine, te Antikorupcionom timu Vlade Federacije Bosne i Hercegovine.

Tokom 2025. godine u fokusu Ministarstva je bilo povećanje transparentnosti i vidljivosti. Informacije vezane za rad Ministarstva su redovno objavljivane na web-stranici Ministarstva. Na sve zaprimljene prigovore koji se odnose na objavljivanje rezultate javnih poziva, kao i na zahtjeve za pristup informacijama, Ministarstvo je odgovorilo u skladu s zakonskim propisima.

Osnovne organizacione jedinice u okviru Federalnog ministarstva kulture i sporta su:

1. Kabinet ministra
2. Sektor za kulturu
3. Sektor za kulturno-povijesno naslijeđe i znanstveno-istraživači rad
4. Sektor za sport
5. Sektor za mlade
6. Sektor za ekonomsko-financijske, pravne i opće poslove
7. Jedinica za unutarnju reviziju

Prema Pravilniku o unutrašnjoj organizaciji Federalnog ministarstva kulture i sporta koji je usvojen 26.11.2025. godine, Sektor za kulturu ima dvije organizacione jedinice (Odsjek za nakladničku, knjižničarsku, likovnu, glazbenu i scensku djelatnost, te Odsjek za ustanove i udruge u području kulture), Sektor za sport ima dvije organizacione jedinice (Odsjek za olimpijski i paraolimpijski sport i Odsjek za rekreacijski, vrhunski, školski i sveučilišni sport) i Sektor za ekonomsko-financijske, pravne i opće poslove ima četiri organizacione jedinice (Odsjek za računovodstvene poslove, Odsjek za financijske poslove, Odsjek za pravne i kadrovske poslove, te Pisarnicu).

U sastavu Federalnog ministarstva kulture i sporta djeluje i federalna upravna organizacija Zavod za zaštitu spomenika Federacije Bosne i Hercegovine.

II Aktivnosti Federalnog ministarstva kulture i sporta

Federalno ministarstvo kulture i sporta je donijelo ažurirani Plan integriteta, koji je usvojen Odlukom Ministrice Vlaisavljević, broj: 06-02-5811/23 od 19.12.2023. godine.

Prethodno je formirana Radna grupa za ažuriranje Plana integriteta u Federalnom ministarstvu kulture i sporta (Rješenje broj: 01-02-4898/23 od 07.09.2023. godine) koja je radila na izradi dokumenta.

Ažurirani Plan integriteta je izrađen u skladu sa *Pravilima za izradu i provođenje plana integriteta u institucijama u Bosni i Hercegovini* Agencije za prevenciju korupcije i koordinaciju borbe protiv korupcije Bosne i Hercegovine (APIK), te Akcionim planom za borbu protiv korupcije Vlade Federacije Bosne i Hercegovine i preporukama Ureda za reviziju institucija Federacije Bosne i Hercegovine, koje su sastavni dio Izvještaja o finansijskoj reviziji Federalnog ministarstva kulture i sporta za 2022. godinu (broj: 01-02-06-11-1-2965-7/22, maj 2023. godine).

Ministarstvo je uputilo ažurirani Plan integriteta na analizu Agenciji za prevenciju korupcije i koordinaciju borbe protiv korupcije Bosne i Hercegovine, koja je svojim aktom (broj: 05-07-4-630-2/23 od 01.12.2023. godine) obavijestila Ministarstvo da je izvršila analizu dokumenta te da je u skladu s tim Ministarstvo ispunilo svoju obavezu izrade odnosno inoviranja Plana integriteta.

Dokument je također dostavljen Antikorupcionom timu Vlade Federacije Bosne i Hercegovine, 18.12.2023. godine.

Prema ažuriranom Planu integriteta Federalnog ministarstva kulture i sporta, utvrđene su 34 preporuke za unapređenje stanja u 6 oblasti, i to:

1. Rukovođenje i upravljanje institucijom (10 preporuka);
2. Planiranje i upravljanje financijama (6 preporuka);
3. Upravljanje javnim nabavkama (3 preporuke);
4. Upravljanje dokumentacijom (5 preporuka);
5. Kadrovska politika, etičko i profesionalno ponašanje djelatnika (7 preporuka);
6. i Upravljanje sigurnosnim sustavom (3 preporuke).

Odlukom, broj: 06-02-5811/23 od 19.12.2023. godine, imenovana je osoba zadužena za nadzor nad provođenjem Plana integriteta u Federalnom ministarstvu kulture i sporta. Imenovana osoba ima zadatak da prati provođenje Plana integriteta, a posebno dijela koji se odnosi na mjere za poboljšanje integriteta Federalnog ministarstva kulture i sporta, te davanje prijedloga za njegovo unapređenje. Prema Odluci, svi djelatnici Ministarstva dužni su obavijestiti imenovanu osobu o situaciji, pojavi ili radnji koje mogu dovesti do narušavanja integriteta institucije. Također, djelatnici Ministarstva su dužni da na zahtjev imenovane osobe dostave potrebne podatke i informacije od značaja za provođenje Plana integriteta.

Vrlo važan dio procesa definiranja i provođenja Plana integriteta jeste informiranje djelatnika Ministarstva o njegovom sadržaju.

U tome smislu, sastavni dio Plana integriteta jeste informiranje djelatnika o ažuriranju Plana integriteta i utvrđenim mjerama. Plan integriteta je postavljen na web – stranicu Ministarstva. Odluka o usvajanju Plana integriteta i određivanju osobe za nadzor nad njegovim provođenjem je bila postavljena i na oglasnu ploču.

Ministrica je, svojim e-mailom od 17. januara 2024. godine, obavijestila rukovodioce organizacionih jedinica u Ministarstvu o potrebi kontinuirane saradnje sa osobom zaduženom za nadzor nad provođenjem Plana integriteta, odnosno imenovanja osobe ispred sektora koja će biti zadužena za ovu saradnju ukoliko rukovodioci nisu u mogućnosti.

Savjetnica ministrice za organizaciju i strateško planiranje u oblasti sporta me usmeno obavijestila (15.09.2025. godine) da je umjesto Savjetnice ministrice za organizaciju i strateško planiranje u oblasti zaštite kulturno-historijskog naslijeđa zadužena za saradnju u procesu nadzora nad provođenjem Plana integriteta u Federalnom ministarstvu kulture i sporta ispred Kabineta.

Također, Sektor za sport je imenovao osobu zaduženu za saradnju u okviru nadzora nad provođenjem Plana integriteta, kao i ostali sektori.

Interni pravni propisi koje je Federalno ministarstvo kulture i sporta donijelo u toku 2025. godine s ciljem regulisanja pojedinih oblasti i pitanja organizacije i funkcionisanja Ministarstva su usaglašeni sa pravnom službom Ministarstva, te objavljeni u nastavku.

Ured za reviziju institucija u Federaciji Bosne i Hercegovine je Federalnom ministarstvu kulture i sporta dostavio Izvještaj o finansijskoj reviziji Federalnog ministarstva kulture i sporta u 2024. godinu (broj: 01-02-06-11-1-3149-7/24 od 12.05.2025. godine) kojim je utvrđeno 13 preporuka za unapređenje rada Ministarstva.

Federalno ministarstvo kulture i sporta je u toku 2025. godine radilo na implementiranju datih preporuka. Izrađen je i objavljen interni dokument „Poduzete aktivnosti po preporukama Ureda za reviziju institucija u FBiH za 2024. godinu“, koji pored statusa preporuke sadrži i odgovorno tijelo, prijedlog za realizaciju, rok za realizaciju, te poduzete aktivnosti na realizaciji određene preporuke.

Izvještaj o finansijskoj reviziji Federalnog ministarstva kulture i sporta u 2025. godini, Ured za reviziju institucija u Federaciji Bosne i Hercegovine će dostaviti u 2026. godini.

Ministarstvo je, krajem 2023. godine, pokrenulo proces izrade Strategije za mlade Federacije Bosne i Hercegovine, čime se ispunjavaju određene odredbe Zakona o mladima Federacije Bosne i Hercegovine. Na prijedlog Federalnog ministarstva kulture i sporta, Vlada Federacije Bosne i Hercegovine je, na 18. sjednici održanoj 30.10.2023. godine, donijela Odluku o izradi Strategije za mlade Federacije Bosne i Hercegovine (V. broj 1561/2023 od 30.10.2023. godine). Temeljem Odluke, Federalno ministarstvo kulture i sporta je imenovalo Interresornu radnu grupu zaduženu za izradu Strategije za mlade Federacije Bosne i Hercegovine (Rješenje broj: 05-36-13-6156/23 od 29.12.2023. godine), koja je bila sastavljena od predstavnika 18 federalnih institucija, te predstavnika Saveza općina i gradova Federacije Bosne i Hercegovine. Strateški partner u procesu je bilo Vijeće mladih Federacije Bosne i Hercegovine, kao krovna organizacija koja predstavlja interese mladih u Federaciji Bosne i Hercegovine.

Radna grupa za izradu prijedloga dokumenta je završila posao te je Federalno ministarstvo kulture i sporta isti dostavilo Vladi Federacije Bosne i Hercegovine na razmatranje i usvajanje. Vlada Federacije Bosne i Hercegovine je usvojila dokument te ga uputila u dalju proceduru, nakon čega je jedan od Klubova poslanika u Predstavničkom domu Parlamenta Federacije Bosne i Hercegovine zatražio da se dokument povuče iz procedure. Sastavni dio prijedloga Strategije je i analiza stanja u oblasti mladih u Federaciji BiH i Bosne i Hercegovine.

Strateški dokumenti kao ni analiza stanja u drugim oblastima koje su u nadležnosti Federalnog ministarstva kulture i sporta nisu izrađeni.

Izvještaj o provođenju Plana integriteta u Federalnom ministarstvu kulture i sporta u 2024. godini je sačinjen i objavljen na web-stranici Ministarstva u toku januara 2025. godine.

Izvještaj je dostavljen Agenciji za prevenciju korupcije i koordinaciju borbe protiv korupcije i Antikorupcionom timu Vlade Federacije Bosne i Hercegovine, aktom broj: 01-02-5032-1/23 od 17.02.2025. godine.

U saradnji sa Agencijom za državnu službu Federacije Bosne i Hercegovine, u toku 2025. godine izvršena su zapošljavanja četiri službenika/službenice. Pored toga, izvršeno je zapošljavanje pet službenika/službenice putem Javnog oglasa Ministarstva, te tri pripravnika putem Javnog natječaja Ministarstva. Zapošljavanje je obavljeno zbog obimnosti i kompleksnosti poslovnih aktivnosti koje Ministarstvo obavlja, te odlaska određenog broja službenika/službenica u penziju.

Federalno ministarstvo kulture i sporta nije imalo izrađen Plan zapošljavanja u 2025. godini.

Novi Pravilnik o unutrašnjoj organizaciji Federalnog ministarstva kulture i sporta je donešen 26.11.2025. godine, nakon što je prošao proceduru predviđenu za njegovo usvajanje. Pravilnik je usvojila Ministrica uz saglasnost Vlade Federacije Bosne i Hercegovine.

Postavljen je sandučić za anonimnu prijavu korupcije kako bi se djelatnicima Ministarstva, ali i drugima, i na ovaj način omogućilo prijavljivanje eventualnih zloupotreba, raznih nepravilnosti ili saznanja o koruptivnim aktivnostima unutar institucije.

Sandučić je smješten ispred porte, na lako dostupnom mjestu. Ipak, preporuka je da se sandučić postavi na mjesto koje nije pokriveno video-nadzorom, te koje se ne nalazi neposredno ispred radnog mjesta bilo kojeg službenika Ministarstva.

Sandučić je otvoren 23.12.2025. godine, od strane osobe zadužene za nadzor nad provođenjem Plana integriteta u Ministarstvu i osobe zadužene za saradnju u ovom procesu ispred Kabineta Ministarstva, te je konstatovano da je sandučić prazan.

Uspostavljen je Stručni kolegij Federalnog ministarstva kulture i sporta kojeg čine: ministrica, sekretar Ministarstva, direktor Zavoda, pomoćnici ministrice, pomoćnici direktora Zavoda, šef Kabineta, savjetnici ministrice i po potrebi drugi državni službenici. U junu 2023. godine, usvojen je *Poslovnik o radu Stručnog kolegija Federalnog ministarstva kulture i sporta*, koji reguliše rad ovog savjetodavnog tijela. Stručni kolegij razmatra značajna pitanja iz nadležnosti Ministarstva te daje mišljenja i prijedloge ministrici.

Pitanje funkcionisanje Stručnog kolegija tretira i Pravilnik o unutrašnjoj organizaciji Federalnog ministarstva kulture i sporta.

Stručni kolegij se redovno sastaje. U 2025. godini održano je ukupno 36 sastanaka, te su zapisnici dostavljeni i članovima Stručnog kolegija.

Pravilnik o uporabi dnevnog odmora i odsustva djelatnika u Federalnom ministarstvu kulture i sporta, donešen u augustu 2023. godine, predviđa korištenje elektronske evidencije prisustva na poslu. Dolazak na posao i odlazak s posla se evidentira elektronskim putem, kao i svaki izlazak s posla, službeno ili privatno. Pored toga, evidenciju vodi i djelatnik na porti Ministarstva.

Prema usvojenim izmjenama i dopunama Pravilnika o uporabi dnevnog odmora i odsustva djelatnika, vozač u Kabinetu Ministarstva nije se dužan evidentirati elektronskim putem, te se o njegovom/njenom radnom vremenu vodi službena evidencija.

Jedinica za unutarnju reviziju Federalnog ministarstva kulture i sporta daje stručna mišljenja, savjete i preporuke s ciljem unaprijeđenja poslovanje i ostvarenja ciljeva Ministarstva.

Ona osigurava rukovoditelju Ministarstva, i rukovoditeljima svih organizacijskih jedinica, nezavisno i objektivno mišljenje o adekvatnosti i efikasnosti sistema unutrašnjih kontrola, stanju poslovnih funkcija i poslovnim rizicima odgovarajućim izvještajima, preporukama i savjetima.

Jedinica za unutarnju reviziju Federalnog ministarstva kulture i sporta je uspostavljena u maju 2022. godine. Jedinica je trenutno nepopunjena, odnosno nema niti jednog uposlenika, te se ne provode interne kontrole u Ministarstvu.

Odsjek za pravne i kadrovske poslove u okviru Sektora za ekonomsko-financijske, pravne i opće poslove Federalnog ministarstva kulture i sporta je koordinirao aktivnosti s Agencijom za državnu službu Federacije Bosne i Hercegovine u vezi s objavom javnog konkursa za popunjavanje radnog mjesta stručnog savjetnika u Jedinici za unutarnju reviziju (interni revizor).

Javni konkurs, pod brojem: 06-30-8-905/25, objavljen je dana 03.10.2025. godine na web stranici Agencije za državnu službu Federacije Bosne i Hercegovine.

Prema Pravilniku o unutarnjem ustrojstvu Federalnog ministarstva kulture i sporta (broj: 01-02-4-5459/25 od 26.11.2025. godine) sistematizirano je radno mjesto pomoćnika ministrice - rukovoditelja interne revizije, kao i tri radna mjesta stručnog savjetnika – internog revizora.

S ciljem efikasnog i samostalnog rada Jedinice za unutarnju reviziju, Ministarstvo je u prethodnom periodu donijelo:

- Pravilnik o internoj reviziji u Federalnom ministarstvu kulture i sporta;
- Pravilnik o internim kontrolama i internim kontrolnim postupcima;
- Povelja unutarnje revizije (februar 2024.);
- Strateški plan Jedinice za unutarnju reviziju za period 2024. – 2026.

Pozicija sekretara Federalnog ministarstva kulture i sporta je upražnjena zbog odlaska u penziju. U cilju nesmetanog obavljanja poslova sekretara, Federalno ministarstvo kulture i sporta je donijelo Rješenje, broj: 06-30-1729/25 od 07.04.2025. godine, kojim je imenovanom utvrđena obaveza da pored svog radnog mjesta obavlja i poslove sekretara Ministarstva.

Prethodno je doneseno Rješenje o razrješenju dužnosti obavljanja poslova drugog radnog mjesta, broj: 06-30-1727/25 od 07.04.2025. godine, koje je važno do 07.04.2025. godine, te je imenovanom prestala obaveza obavljanja poslove sekretara Ministarstva.

Federalno ministarstvo kulture i sporta je izradilo okvirni Plan edukacije djelatnika u 2025. godini, koji obuhvata sve organizacione jedinice Ministarstva i Zavod za zaštitu spomenika FBiH. Plan sugerira potencijalne teme za edukaciju uposlenika, te obuhvata dio rukovodstva Ministarstva. Uposlenici Ministarstva su se odredili prema određenim temama te je na osnovu toga izrađen Plan za edukaciju uposlenika u 2025. godini.

Također, Ministarstvo vodi evidenciju o učešću uposlenika na različitim edukacijama i obukama.

Federalno ministarstvo kulture i sporta bi trebalo intenzivirati učešće uposlenika na edukacijama u narednom periodu, posebno iz oblasti zaštite i unapređenja integriteta.

Procedura planiranja, implementacije i nadzora nad utroškom sredstava u oblastima koje su u nadležnosti Federalnog ministarstva kulture i sporta je unaprijeđena. Organizacione jedinice nadležne za pojedine transfere definišu prijedloge, koji se nakon konačnog utvrđivanja ispred Federalnog ministarstva kulture i sporta, upućuju Vladi Federacije Bosne i Hercegovine.

Vlada Federacije Bosne i Hercegovine donosi konačnu odluku o programu utroška sredstava i kriterijima raspodjele sredstava, nakon čega Ministarstvo pokreće proces implementacije sredstava putem javnih poziva.

Implementirani javni pozivi podrazumijevaju sklapanje ugovora između korisnika i Ministarstva. Na osnovu ugovora i u skladu s Uputstvom korisnicima sredstava za finansijsko implementiranje i izvještavanje tekućih transfera, korisnici pravdaju namjenski utrošak odobrenih sredstava. Naime, korisnici su obavezni dostaviti narativni i finansijski izvještaj, na propisanom obrascu, zajedno s dokazima o realizaciji programskih/projektnih aktivnosti.

Korisnici koji nisu opravdali namjenski utrošak odobrenih sredstava iz prethodnog perioda, nemaju pravo apliciranja na naredni javni poziv za dodjelu sredstava, a lista korisnika se objavljuje na web stranici.

U cilju osiguravanja kontrole odgovornog raspolaganja javnim sredstvima, Ministarstvo je donijelo odgovarajuće propise, i to:

- Procedure o načinu uporabe mobilnih i fiksnih telefona u Federalnom ministarstvu kulture i sporta;
- Pravilnik o uvjetima, načinu uporabe i nabave službenih putničkih automobila u Federalnom ministarstvu kulture i sporta;
- Pravilnik o naknadama troškova za službena putovanja;
- Pravilnik o pravima savjetnika/ca Ministra u Federalnom ministarstvu kulture i sporta;
- Pravilnik o reprezentaciji i poklonima;
- Pravilnik o popisu imovine, potraživanja i obaveza;
- Pravilnik o materijalnom poslovanju;
- Procedure rukovanja gotovim novcem Federalnog ministarstva kulture i sporta;
- Plan tekućeg održavanja objekta;
- Pravilnik o uredskom poslovanju;
- Pravilnik o javnim nabavkama roba, usluga i radova u Federalnom ministarstvu kulture i sporta;
- Pravilnik o plaćama, naknadama i drugim materijalnim pravima zaposlenih u Federalnom ministarstvu kulture i sporta;
- i dr.

U svrhu reguliranja procedura kretanja predmeta, donešene su *Procedure i pravila uporabe sigurnosti zaštite podataka informacijskog sistema*, kojim se regulira način ponašanja i postupanja rukovodećih i ostalih službenika i namještenika u Federalnom ministarstvu kulture i sporta tijekom pristupa podacima i za korištenje podataka, a također donešeni su sljedeći propisi:

- Pravilnik o disciplinskoj i materijalnoj odgovornosti djelatnika u Federalnom ministarstvu kulture i sporta;
- Naputak o kretanju računovodstvene dokumentacije;
- Pravilnik o uredskom poslovanju Federalnog ministarstva kulture i sporta;
- Pravilnik o disciplinskoj i materijalnoj odgovornosti djelatnika u Federalnom ministarstvu kulture i sporta;
- Pravila čistog stola i praznog ekrana.

Propisi imaju za cilj i onemogućavanje nepotrebnog uvida u predmete djelatnika koji nisu direktno zaduženi za konkretni predmet, što je utvrđeno ažuriranim Planom integriteta.

Donešen je *Pravilnik o ocjenjivanju djelatnika Federalnog ministarstva kulture i sporta*. Utvrđeni su radni ciljevi za svakog djelatnika u okviru organizacionih jedinica, koji se prate i kroz *Pravilnik o ocjenjivanju*.

Federalno ministarstvo kulture i sporta je utvrdilo Plan rada za 2025. godinu, te Trogodišnji plan rada Ministarstva 2024-2026.

Prema Planu rada za 2025. godinu, prioriteti Ministarstva su usaglašeni sa Strategijom razvoja Federacije Bosne i Hercegovine 2021.-2027. i Ciljevima održivog razvoja. Ti prioriteti su:

- unapređenje kulturnog i umjetničkog sektora kroz potporu koja će osnažiti jačanje postojećih i stvaranje novih kapaciteta;
- unapređenje uvjeta za razvoj sporta s posebnim akcentom na potporu mladim sportašima kao i jačanju aktivnosti ranjivih skupina u sportu;
- unapređenje položaja i uloge mladih u društvenoj zajednici;
- poboljšanje uvjeta za očuvanje i zaštitu kulturnog i graditeljskog nasljeđa koje će doprinijeti razvoju turizma;
- poboljšanje uvjeta za kvalitetan rad filmskog stvarateljstva, knjižničke i nakladničke djelatnosti, glazbene, scenske i likovne te sportske djelatnosti s naglaskom na mlade.

Federalno ministarstvo kulture i sporta je realiziralo 19 javnih poziva u toku 2025. godine s ciljem podrške razvoju oblasti u svojoj nadležnosti. Javni pozivi su realizirani u skladu sa propisima i predviđenom procedurom. Ministarstvo je odgovorilo na zaprimljene prigovore u odnosu na rezultate svih javnih poziva, kao i na zaprimljene zahtjeve po osnovu Zakona o slobodi pristupa informacijama u Federaciji Bosne i Hercegovine. Sve informacije vezane za rad Ministarstva na javnim pozivima su transparentno objavljivane na web-stranici Ministarstva, uključujući odluke o formalno-pravno neispravnim prijavama i odluke o dodjeljivanju sredstava.

Transferi realizirani putem javnih poziva su bili usmjereni na udruženja građana i fondacije, registrovane u skladu s zakonskom regulativom, u Federaciji Bosne i Hercegovine.

Kapitalni transferi su bili fokusirani na niže nivoe vlasti u Federaciji Bosne i Hercegovine.

Formiran je Savjet za mlade Federacije Bosne i Hercegovine, kao međuresorno radno tijelo čiji je glavni zadatak koordiniranje politika prema mladima Federacije Bosne i Hercegovine.

Na prijedlog Federalnog ministarstva kulture i sporta, Vlada Federacije Bosne i Hercegovine je usvojila Uredbu o osnivanju Savjeta za mlade Federacije Bosne i Hercegovine (broj: 1384/2025 od 04.09.2025. godine).

Savjet za mlade Federacije BiH sastojat će se od deset članova, imenovanih na mandat od četiri godine, sa pravom imenovanja na još jedan mandat u istom trajanju. Pet članova predlažu relevantna federalna ministarstva (Federalno ministarstvo kulture i sporta, Federalno ministarstvo rada i socijalne politike, Federalno ministarstvo zdravstva, Federalno ministarstvo obrazovanja i nauke i Federalno ministarstvo pravde), dok preostalih pet dolaze iz Skupštine Vijeća mladih Federacije BiH, čime se osigurava izravno sudjelovanje mladih u donošenju odluka koje se odnose na njih.

Također, na prijedlog Federalnog ministarstva kulture i sporta, Vlada Federacije Bosne i Hercegovine je osnovala Fondaciju za sport. Osim toga, Ministarstvo je Fondaciji za sport ustupilo prostorije za rad putem Ugovora o korištenju prostora (broj: 06-45-4638/25 od

30.09.2025. godine) u svrhu obavljanja programskih i administrativnih aktivnosti. Prostor je ustupljen bez naknade.

Sektor za kulturu, Sektor za kulturno-povijesno naslijeđe i znanstveno-istraživači rad, Sektor za sport i Sektor za mlade su utvrdili svoje dugoročne ciljeve.

Radni ciljevi uposlenika za 2025. godinu su objavljeni na web-stranici Ministarstva.

Ministarstvo je donijelo *Akcioni plan obilaska korisnika sredstava u 2025. godini* s ciljem kontrole namjenskog utroška odobrenih sredstava. Prema ovom planu Ministarstvo obavlja terenski obilazak korisnika u svrhu kontrole namjenskog utroška odobrenih sredstava. Obavljeno je 219 terenskih obilazaka u periodu od 03.10.2025. do 12.12.2025. godine.

Ministarstvo je imalo 20 zahtjeva u toku 2025. godine po osnovu Zakona o slobodi pristupa informacijama u Federaciji Bosne i Hercegovine. Na ove zahtjeve je odgovoreno i podnositeljima je osiguran pristup traženim informacijama.

II-A Tehnička zaštita objekta

Osiguranje objekta Ministarstva je u nadležnosti Službe za zajedničke poslove Federacije Bosne i Hercegovine, koja u skladu s Uredbom o službi za zajedničke poslove organa i tijela Federacije Bosne i Hercegovine, vrši unutarne osiguranje poslovnih zgrada koje koriste federalne institucije. Uposlenik/uposlenica Službe otvara i zatvara objekat Ministarstva te boravi tokom cijelog dana.

Osim toga, recepcioner Federalnog ministarstva kulture i sporta upućuje stranke te im izdaje propusnicu za boravak u objektu. Djelatnici Ministarstva mogu primati stranke isključivo po telefonskoj najavi s recepcije.

Osobama koje nisu djelatnici Ministarstva ne smije ni na koji način biti omogućeno kretanje zgradom Ministarstva bez pratnje djelatnika s recepcije ili djelatnika kod kojeg su najavljene na sastanak.

Kretanje stranaka u objektu je regulisano sljedećim internim pravilima:

- Protokol o kretanju stranaka u objektu Federalnog ministarstva kulture i športa;
- Pravilnik o zaštiti na radu;
- Pravilnik o zaštiti od požara.

Ministarstvo raspolaže sa šest sistema tehničke zaštite objekta:

1. Sistem videonadzora;
2. Sistem za otkrivanje i dojavu prisutnosti zapaljivih gasova i para (zemnog gasa – metana);
3. Hidrantska mreža;
4. PP aparati;
5. Sistem dojave požara;
6. Sistem protivprovale.

Federalno ministarstvo kulture i sporta radi na održavanju funkcionalnosti sistema tehničke zaštite na objektu Ministarstva.

Po osnovu *Ugovora o servisiranju sustava tehničke zaštite u objektima Federalnog ministarstva kulture i sporta* (broj: 06-11-11-3755/25 od 10.07.2025. godine) sa Agencijom za tehničku i fizičku zaštitu ljudi i imovine „Middle point“ d.o.o. Sarajevo, radi se servisiranje sistema tehničke zaštite (video-nadzor, vatrodojava i plinodojava) i moguće zamjene vatrodojavne centrale, te rezervnih dijelova u slučaju potrebe. Redovni servis sistema tehničke zaštite se obavlja u zakonom predviđenim terminima, a izvanredni po prijavi Ministarstva. Predmetni ugovor je potpisan na period od godinu dana (odnosno do utroška predviđenih sredstava).

Federalno ministarstvo kulture i sporta je sklopilo *Ugovor o izradi Elaborata o zaštiti i procjene ugroženosti za objekat Federalnog ministarstva kulture i sporta* (broj: 06-11-11-3754/25 od 05.08.2025. godine) sa Agencijom za tehničku i fizičku zaštitu ljudi i imovine „Middle point“ d.o.o. Sarajevo, kojim se Agencija obavezuje izraditi Procjenu ugroženosti i elaborat o zaštiti u skladu s Metodologijom o sadržaju i načinu procjene ugroženosti i elaborate o zaštiti za Federalno ministarstvo kulture i sporta u roku od 120 do 150 dana od potpisivanja Ugovora, te ih dostaviti Ministarstvu.

Prema Zapisniku Zavoda za zaštitu spomenika Federacije Bosne i Hercegovine od 24.12.2025. godine, izvršitelj je dostavio predmetnu dokumentaciju, čime su ispunjene ugovorne obaveze.

Federalno ministarstvo kulture i sporta je sklopilo i *Ugovor o poslovno-tehničkoj suradnji na poslovima zaštite na radu i zaštite od požara* (broj: 06-11-11-3824/25 od 11.08.2025. godine) sa Izvršiteljem Proving d.o.o. Sarajevo. Po osnovu Ugovora, Izvršitelj će izraditi Procjenu ugroženosti od požara i Plan zaštite od požara za Zavod za zaštitu spomenika Federacije Bosne i Hercegovine, koji je smješten u objektu Ministarstva. Također, Ugovorm je definisano da Izvršilac može vršiti i sve druge poslove vezane za ZOP i ZNR.

Također, Prema Zapisniku Zavoda za zaštitu spomenika Federacije Bosne i Hercegovine od 24.12.2025. godine, ugovarač je dostavio predmetnu dokumentaciju, čime su ispunjene ugovorne obaveze.

Federalno ministarstvo kulture i sporta vodi računa o ispitivanju i održavanju postojećih sistema:

- a) Zapisnik o pregledu sistema videonadzora (broj: Z-91/25 od 30.10.2025. godine) kojim je konstatovano da je izvršena provjera ispravnosti i funkcionalnosti svih uređaja i opreme za funkcionisanje videonadzornog sistema, te da je sva oprema ispravna i funkcionalna.
- b) Zapisnik o redovnom pregledu i ispitivanju pritiskom za pokretne i zatvorene sudove za komprimirane, tečne i pod pritiskom rastvorene gasove (broj: 3081-2/25 od 18.06.2025. godine).
- c) Zapisnik o provjeri i ispitivanju ispravnosti i funkcionalnosti hidrantske mreže (broj: 3082/25 od 18.06.2025. godine) i Potvrda o ispravnosti i funkcionalnosti hidrantske mreže (broj: 3082/1/25 od 18.06.2025. godine), te Zapisnik o provjeri i ispitivanju